

ծառայությունների համեմատությամբ: Միաժամանակ պետք է ստեղծել զբոսաշրջիկների անվտանգության երաշխիքներ, ապահովել շրջակա միջավայրի պահպանությունը, ուժեղացնել մրցակցությունը զբոսաշրջային ինդուստրիայում, ռացիոնալ օգտագործել զբոսաշրջային ռեսուրսները, ավելացնել պետության եկամուտները, ստեղծել նոր աշխատատեղեր և այլն:

ԱՐՍԵՆ ՀՈՎԱՍԱՓՅԱՆ

*ՀՀ ԳԱԱ Մ. Զորանյանի անվան տնտեսագիտության
ինստիտուտի կրտսեր գիտաշխատող, տ.գ.թ.*

ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆՆԵՐԻ ՆՈՐԱՐԱՐԱԿԱՆ ԳՈՐԾԱԿՅԻ ԳՆԱՀԱՏՈՒՄԸ «ՆՈՐԱՐԱՐԱԿԱՆ ՀԱՇՎԵՏԱԽՏԱԿ» ՄԵԹՈԴԻ ՕԳՆՈՒԹՅԱՄԸ («ՄԵՏՏԱ ԳՐՈՒԴ» ԸՆԿԵՐՈՒԹՅԱՆ ՕՐԻՆԱԿՈՎ)

Առևտրային կազմակերպություններում նորարարական գործունեության գնահատման, վերջինիս մրցունակության բարձրացման հետ կապված հիմնախնդիրները բացահայտելուն և լուծելուն է միտված Եվրամիության կողմից մշակված «Innovation Scorecard» («Նորարարական հաշվետախտակ») մեթոդը:

«Նորարարական հաշվետախտակ» մեթոդի միջոցով հնարավոր է գնահատել առևտրային կազմակերպությունների ներսում տեղի ունեցող փոփոխությունների արդյունքը 5 մակարդակներով՝ նորարարական ռազմավարություն, նորարարական գործընթաց, ռեսուրսների ապահովում, նորարարական կառուցվածք, նորարարական մշակույթ:

Նշված չափորոշիչներից յուրաքանչյուրում առանձին գործոններ ունեն իրենց արժեքը, որոնց առկայության, մասամբ լինելու կամ չլինելու դեպքում ստանում ենք այդ գործոնի ճշգրտված արժեքը: Նման գործոնների գումարը կազմում է տվյալ չափորոշիչի արժեքը, որի առավելագույն գումարը հավասար է 1-ի: Յուրաքանչյուր չափորոշիչ բանաձևում ունի իր կշիռը: Բազմապատկելով վերջինս չափորոշիչների արժեքներին՝ կարող ենք ստանալ ցուցանիշ, որը բնութագրում է, թե տվյալ ընկերությունը որքանով է նորարարական: Եթե այդ ցուցանիշը մեծ է 0.5-ից, ապա ձեռնարկության գործունեությունը համարվում է նորարարական: Այս ցուցանիշը հնարավորություն է տալիս ճշտել, թե առևտրային կազմակերպության որ մակարդակում կան թերացումներ և ճշգրտել դրանք:

Վերը նշված մեթոդի օգնությամբ հաշվարկենք ՀՀ-ում գործող «Մետտա Գրուպ» ընկերության նորարարական գործակիցը (տե՛ս աղյուսակ):

«Մետտա Գրուպ» ընկերությունը հայ-կիպրոսական համատեղ ձեռնարկություն է, որը ձևավորվել է անօրգանական քիմիայի ինստիտուտի հիմքի վրա, ունի մի շարք գիտահետազոտական լաբորատորիաներ և զբաղվում է հանքաքարերի վերամշակմամբ և առանձին նյութերի մասհանմամբ, այդ տեխնոլոգիաների մշակմամբ և կատարելագործմամբ: Այլ կերպ ասած այն իր վարքով նորարարական առևտրային կազմակերպություն է:

Նորարարական ցուցանիշների արժեքների հաշվարկման մեթոդ¹

Չափորոշիչներ	Գործոններ	Գործոնի կշիռը	Ոչ (0)	Մասամբ (0.5)	Այո (1)	Արդյունք
Նորարարական ռազմավարություն	Նորարարական նախագծի մշակման միջին ժամկետը փոքր է ձեր մրցակիցներից	0.3		+		0.15
	Պահպանում եք ընկերության հիմնական գործունեությունը համաշխարհային մակարդակի վրա	0.2			+	0.2
	Ձեր կողմից թողարկված ապրանքի կամ ծառայության վաճառքից ստացվող հասույթը կամ շահույթը շատ է, քան ձեր մրցակիցների մոտ	0.5		+		0.25
	Ընդամենը					0.6
Նորարարական գործընթաց	Ձեր ընկերությունը անընդհատ հավաքում է սպառողներից, մատակարարներից նոր ցանկություններ և առաջարկների մասին տվյալներ, որպեսզի դրանք հաշվի առնի հետագա զարգացման նախագծերում	0.6			+	0.6
	Ձեր ընկերությունը նույն ակտիվությամբ է անցկացնում նոր առաջարկների որոնումը, ինչպես իրականացնում է հիմնական գործունեությունը	0.3	+			0
	Նոր նախագծերի ղեկավարները ունեն արդյոք ռեսուրսների վերահսկման լրիվ ազատություն	0.1	+			0
	Ընդամենը					0.6
Ռեսուրսների ապահովում	Ձեր ընկերությունը ԳՀՓԿԱ-ի վրա կատարված ծախսերը դիտարկում է որպես ներդրում, թե՞ ծախս	0.3	+			0
	Ձեր ընկերությունն իրականացնում է Նոու-հաու-ի արտաքին աղբյուրների հետ փոխանակումներ	0.5	+			0
	Ձեր ընկերությունն ունի՞ հմուտ էքսպերտների ցանց՝ նորարարությունների հնարավորություններից հնարավորինս շուտ օգտվելու համար	0.2		+		0.1
	Ընդամենը					0.1

¹ Աղյուսակը կազմվել է ըստ Поляков С., Степнов И., Федоров А. «Формирование инновационной стратегии развития организации с использованием метода Innovation Scorecard», Инновация, 2003, N 10 և «Մետա-Գրուպ» ընկերության աշխատակիցների շրջանում անցկացված հարցումների:

Չափորոշիչներ	Գործոններ	Գործոնի կշիռը	Ոչ (0)	Մասամբ (0.5)	Այո (1)	Արդյունք
Նորարարական կառուցվածք	Չեր ընկերությունն ունի՞ ոչ ֆորմալ խմբեր, որոնք զբաղվում են միայն նորարարական նախագծերով	0.6	+	-		0
	Չեր ընկերության լավագույն մասնագետների մասին տեղեկատվությունը բա՞ց է ու հասանելի	0.2			+	0.2
	Չեր ընկերության մեջ կիրառվո՞ւմ են միջոցառումներ՝ բացատրելու համար, որ աշխատակիցները պետք է լինեն նորարար	0.2	+			0
	Ընդամենը					0.2
Նորարարական մշակույթ	Չեր ընկերությունում գիտելիքների կառավարումը և ներֆիրմային ուսուցումը համարվո՞ւմ են կազմակերպված և վերահսկելի գործընթաց	0.4		+		0.2
	Չեր ընկերության աշխատակիցները անկախ իրենց գործունեությունից մասնակցո՞ւմ են ներֆիրմային ուսուցման գործընթացներին	0.3		+		0.15
	Չեր ընկերության աշխատակիցները ընդունո՞ւմ են նորարարությունների կարևորությունը և նրանց դերը ընկերության գործունեության մեջ	0.3	+			0
	Ընդամենը					0.35

Այժմ հաշվենք նորարարական գործակիցը.

Նորարարական գործակիցը $= 0.2 \cdot 0.6 + 0.25 \cdot 0.6 + 0.1 \cdot 0.1 + 0.2 \cdot 0.25 + 0.2 \cdot 0.35 = 0.4$

Ստացված ցուցանիշից երևում է, որ «Մետտա Գրուպ» ընկերությունը նորարարական չէ: Ստացված արդյունքներից երևում է, որ նշված ընկերության թույլ կետերն են ռեսուրսների ապահովումը, նորարարական կառուցվածքը և նորարարական մշակույթը, մասնավորապես ընկերությունը ԳՀՓԿԱ-ի վրա կատարված ծախսերը չի դիտարկում որպես ներդրում, ընկերությունը չունի ոչ ֆորմալ խմբեր, որոնք զբաղվում են միայն նորարարական նախագծերով, ընկերության աշխատակիցները չեն ընդունում նորարարությունների կարևորությունը և նրանց դերը ընկերության գործունեության մեջ:

Ուշադրության է արժանի նաև այն փաստը, որ ըստ եվրոպական մեթոդաբանության այս առևտրային կազմակերպությունը նորարարական չէ:

Ուստի, եթե «Մետտա Գրուպ» ընկերությունը վերանայի վերը նշված հիմնախնդիրները, կարող է վերածվել եվրոպական չափանիշներով բարձր նորարարական գործակից ունեցող ընկերության:

Այսպիսով, վերը նշված մեթոդի կիրառումը կապահովի հայկական առևտրային կազմակերպությունների համար նոր կառուցվածքային և կազմակերպական շրջանակներ, որոնցում կստեղծվեն նոր ապրանքներ և նոր տեխնոլոգիաներ, որոնց շնորհիվ հայկական առևտրային կազմակերպությունները ձեռք կբերեն մրցունակություն թե՛ տեղական և թե՛ միջազգային շուկաներում: